



## Publicaziuns officialas dils 28-12-2018

---

### Damonda da baghegiar

Nr. 125/2018

Datum da publicaziun: 28-12-2018

Patrun: Baselgia Marcel, 1424 Champagne

Liug e parcella: Baselgia; 6664 e 6686

Object: slargiar la via d'access e contrucziun d'in plaz da volver

Ils profils ein tschentai ed ils plans da construcziun ein deponi tier la canzlia communal.  
L'investa publica cuozza 20 dis dapi il datum da publicaziun.

Eventualas protestas encunter sura damonda da baghegiar ein d'inoltrar alla cumissiun da baghegiar Sumvitg enteifer 20 dis dapi il datum da publicaziun.

Sumvitg, 28-12-2018

*Cumissiun da baghegiar*

### PREAVIS

#### Administraziun communal / Communicaziun

L'administraziun communal resta serrada sur las fiastas da Nadal e Daniev sco suonda:

-naven da venderdis, ils 21-12-2018, allas 17.00 uras, entochen gievgia, ils 27-12-2018 allas 08.00 uras

-naven da venderdis, ils 28-12-2018 allas 17.00 uras, entochen gievgia, ils 03-01-2019 allas 08.00 uras

Nus engraziein per la buna collaboraziun, giavischein benedidas fiastas da Nadal ed in bien niev onn.

Sumvitg, 28-12-2018

*Administraziun communal*

### ELECZIUNS COMMUNALAS 2019

#### Uffecis politics che crodan en elecziun

Tenor art. 11 dalla constituziun communal han las elecziuns communalas liug 2019. En elecziun crodan ils suandonts posts e mandats politics:

- a) president communal,
- b) geraus,
- c) commembers dalla cumissiun da quen e gestiun,
- d) commembers dalla cumissiun da baghegiar.

Tenor art. 20 dalla lescha da votaziuns ed elecziuns succedan las elecziuns per regla denter igl 1. d'avrel ed ils 15 da zecladur.

#### Demissiuns

Persunas che seretilan d'in uffeci communal, ston comunicar quei a scret alla suprastanza communal **entochen ils 31 da schaner** (bul postal) digl onn d'elecziuns. Tgi ch'intenziunescha da demissiar ei supplicaus da risguardar il termin sura indicau.

## **PREAVIS ED INFORMAZIUN**

### **Abdicaziuns**

La gliesta cullas persunas che han demissiunau vegn publicada a dretg temps el FUS.

### **Nominaziuns novas**

Ufficials che seretilan buca, valan sco proponi. Ils vischinadis e gruppaziuns da silmeins 15 votant(a)s san far nominaziuns da candidat(a)s per scadin post che stat en elecziun. Tuttas propostas per la gliesta ufficiala ein d'inoltrar en scret all'administraziun communal entochen ils **15 da mars**. Ils corrispundents formulars san vegnir retratgs dalla canzlia. Las candidaturas ston mintgamai cuntener num, prenum, onn da naschientscha, liug e professiun dil nominau.

Sumvitg, 28-12-2018

*Suprastonza communal Sumvitg*

### **Aperitiv da Daniev**

La suprastonza communal envida Vus cordialmein, preziadas convischinas, preziai convischins e preziai hosps ad in aperitiv da Daniev. Communablamein vulein nus far in viva sigl onn niev. Igl aperitiv da Daniev ha liug allas 17.00 uras sin plaz scola a Surrein. La suprastonza communal selegra da beneventar Vus e giavischa gia uss ina buna ruschnada egl onn niev.

Sumvitg, 28-12-2018

*Suprastonza communal Sumvitg*

### **Exposiziun publica da cooperaziun dalla planisaziun locala**

Sebasond sin art. 13 dall'ordinaziun cantunala davart la planisaziun dil territori (OPTGR) ha liug l'exposiziun da cooperaziun pertuccont la revisiun parziala dalla planisaziun locala dalla vischnaunca Sumvitg.

Project:	Revisiun parziala planisaziun locala
Acts d'exposiziun:	<ul style="list-style-type: none"><li>- rapport da planisaziun e cooperaziun</li><li>- revisiun parziala dil plan general d'avertura, Igniu-Rabius, 1:2'000</li><li>- revisiun parziala dil plan general d'avertura, Laus, 1:2'000</li></ul>
Cuoz da publicaziun:	27 da december 2018 entochen ils 28 da schaner 2019 (30 dis)
Liug e temps da publicaziun:	Canzlia communal Sumvitg, durant il temps uffical da spurtegl

Durant il temps da publicaziun sa mintgin inoltrar a scret propostas ed objecziuns tier la suprastonza communal.

Sumvitg, 28-12-2018

*Suprastonza communal*

### **Serrada via Val Sumvitg**

Ord motivs da segirtad resta la via Val Sumvitg serrada naven d'immediat sil tschancun da Val anen per tut traffic.

Sumvitg, 28-12-2018

*Departament stradal*

## **Ils retgs dalla vischnaunca da Sumvitg fan viseta**

Entuorn Buania visitein nus las casadas da nossa vischnaunca. Il tur entscheiva mintgamai allas 17.00. Dallys bunamanas che nus astgein retscheiver va ina pintga summa en nossa cassa da classa. La gronda part dil recav ei destinada per projects caritativs. Nus engraziein gia ordavon per Vies sustegn e giavischein a Vus in bien niev onn. Ils retgs, las reginas

### **Cumpadials**

**venderdis, ils 4 da schaner 2019**

**sonda, ils 5 da schaner 2019**

contan ils retgs duront la messa en Casa sogn Giusep allas 17.00. Ils retgs da Cumpadials sorprendan era la staziun da Sumvitg.

### **Rabius**

**venderdis, ils 4 da schaner 2019**

Runs, Caho, Fraissen, Curtins, Gara

**sonda, ils 5 da schaner 2019**

Cavivens, Gir, Tschuppina, Rabius sut via, Rabius sur via

**sonda, ils 5 da schaner 2019**

contan ils retgs duront la messa allas 19.00.

**dumengia, ils 6 da schaner 2019**

Campieschas, Cumadé, Caduff, Chistrisch, Fravia, Catat

### **Surrein**

**sonda, ils 5 da schaner 2019**

Val, Reits, Giachentrina, Plazzas su

**dumengia, ils 6 da schaner 2019**

Plazzas sut, Caglieci, Encarden, Planatsch, Bubretsch

**dumengia, ils 6 da schaner 2019**

contan ils retgs duront la messa allas 11.00.

### **Sumvitg**

**venderdis, ils 4 da schaner 2019**

Clavadi, Sogn Benedetg, Siltginas

**sonda, ils 5 da schaner 2019**

Sut via

**dumengia, ils 6 da schaner 2019**

Sur via

**dumengia, ils 6 da schaner 2019**

contan ils retgs duront la messa allas 9.30.

## **Pro Senectute a Cumpadials**

Meisa da miezdi (gentar communabel)

Pro Senectute Surselva organisescha ensemen cun Nadja Scolieri ell'Ustria dalla Staziun a Cumpadials ina meisa da miezdi (gentar communabel) inagada per meins, mintgamai il venderdis. Intent dalla meisa da miezdi duei esser da promover la cumminonza ella vischnaunca da Sumvitg e contuorn denter las persunas ella vegliadetgna dalla pensiun. Plinavon dat ei la pusseivladad d'embellir quella occasiun cun star suentermiezdi da cumpignia cun dar in scart troccas ni auters giugs.

**Liug:** Ustria dalla Staziun, 7176 Cumpadials

**Datum:** venderdis, ils 11 da schaner 2019 allas 12.00

**Annunzias:** Ein da far entochen mesjamna sera tier Ustria dalla Staziun, Cumpadials tel. 081 943 19 22